

## آبونه شرائطی

ممالك عثمانیه ده سنه لکی (۶۵)، آلتی  
ایلغی (۳۵) غروشدر .  
ممالك اجنبیه ده سنه لکی (۱۷)، آلتی  
ایلغی (۹) فرانقدر .

## اداره خانه

باب عالی جاده سنده دائره مخصوصه

## اخطارات

آبونه بدلی پشیندر .

§

مسلكه موافق آثار مع المهنویه قبول  
اولنور . درج ابدلین یازیلر اعاده  
اولونماز .

# الکشاف



دینی ، فلسفی ، عامی ، ادبی هفته لقی مجموعه اسلامیه در .

صاحب و مدیر مسئول

اشرف ادیب

باش محرر

محمد طاکف

والله یهدی من یشاء الی صراط مستقیم

اتبعون اهدکم سبیل الرشاد

## اخطارات

رساله مزدن آلتدیغی کوسترلک شرطیده  
بتون یازیلر هر هانسی بر غرتنه طرفندن  
اقتباس اولونه ییلیر .

§

مکتوبلرک، امضالری واضح و اوناقوقلی  
اولسی و آبونه صره نومروسنی محتوی  
بولونمسی لازمدر .

§

ممالك اجنبیه ایچون آبونه اولانلرک  
آدرس لرینک فرانسزجه ده یازلسی رجا  
اولنور .

§

یاده کوندردیگی زمان نه یه دائره اولدیغنک  
واضحاً بیلدیرلسی رجا اولنور .

احبابدن بعضی : —

عاصر بن الاكوع كندی كندی اولدوردیکی جهته شهید دکلدر . دیدیلر سده ، رسول الله افندیز ، عامرک شهید اولدیغنی وایکی قاتلی مکافاته مستحق بولوندیغنی بیان بویوردی .

طاهر المولی

## مَقَالَات

مسلمانلر ایچون عبرت لوحه لری

آزک چوغه غلبه سی

طرغریدن طوغری به آوستریا و مجارستانک ، طولایسیله آلمانیاک موجودیتی محو ایلمک یلته ن موسسوفه قارشى مدافعه مشروعه ده بولان آلمانیاک میلیونلرجه روس سوروسنه ده آزر بر قوتله یالکیز مدافعه ده قالیوب تجاوز و بحق غلبه ایلمه سنک اسبابی تدقیق ایتک مسائل روزمره میاننده اک شایان عبرت و انقباه بر مسئله اولدیغندن بر قاج سطرالیه بونی اخوان دینه ایضاح ایتک استیورم . مسئله یی بحق تنویر ایچون اولای دولتین بیننده بر مقایسه اجراسی لازم کلیر . عن اصل روسیه لی اولوب آلمانیا ده بر مدت بولندیغ جهته بویله بر مقایسه یابه بیلیمک ایچون بدیده بر درجه صلاحیت کوریورم .

آلمان ملتی تمامیه متمدن ، روس لر ایسه نیم وحشی ؛ آلمانک طوب و تفنکی ده مکمل روسیه نیک کی ایسه نقصانی ؛ آلمان قوماندان وضابطلری ده مقتدر ، روسلرک کی ایسه اواقتداردن محروم ؛ آلمانلرک یوللری و شمندوفرلری چوق و سرعتلی ، روسلرک کی ایسه آزر ، اولانلری ده پک بطی . . . آشته آلمانلرک غالیبتی و روسلرک مغلوبیتی تدقیق ایدیلیرکن سرد ایدلمکده اولان اسباب شونلردن عبارتدر .

فقط بر محاربه ده طرفیندن برینک بوقدر سرعتله غالیبتی تأمین ایچون اسباب مذکور نک کافی اولمادیغنی فنونک دور تکاملی دیمک اولان شوصوک عصر طرفنده کی ایکی وقعه ؛ بوئرلرک انسکلیرلره ، طرابلسلیرلرک ایتالیانلره قارشوسنه لرجه مقاومتلری ؛ تمامیه اثبات ایتشدیر . بناء علیه بوراده غالیبت و مغلوبیتی تدقیق ایدرکن بونلردن بشقه سببلر آریوب بولمه به مجبوریت حاصل اولیور . چونکه اسلامک استقبالی دشمنلرینه غلبه سی ، ترقی و تعالیسی ایچون بوسر غالیبتی استسکناه ایتکده بزم ایچون بویوک فائده لر واردر . ایشته آشاعیده یاباجامز مقایسه نتیجه سنده بوسببلر کندی کندیغنه تظاهر ایده جکدر .

روسیه دولتی ربع مسکونک درتده برینه حاکم و متصرف اولدیغنی حالده نفوسی یوز آلتش میلیون اولماسنه نظراً کیلو مترو باشنه بر کیشی اصابت ایدیور . حالبوکه آلمانیا ده هر کیلو مترویه یوزاللی ،

آوستریا ده ایسه یوزیکرمی کیشی اصابت ایدیور . نفوسیه غیر متاسب اولان بوقدر وسعتیه برابر یارم عصردن بری تورکستان ، خیوه ، خوقد و بخارا خانلرلر یی ده هیچ کلفتمز یوتوب اشتهاسنی تزییدایدن روسیه حکومت ظالمه سی ، دولت عثمانیه یی هر زمان هضمی سهیل برلقمه عد ایتدیکی جهته . ایلک اوکجه یانی باشنده ناخوش بر قوت اوله رق توسعه انکل اولمقده اولان آوستریا مجارستانی ازوب خریطه عالمدن سیلمک مقصدیه ظالمانه بر صولتله اوزرینه آتیلدی .

محاربه نیک بدایتنده بلجیقانک لیه ژ شهرنده ایدم . لیه ژ لیلردن بریله محاربه نیک مسبی حقدده مباحثه ایدرکن بن مخاطبمه روسیه نیک دائماً جهانگیرک فکری طاشیدیغنی ، بوسببله تکمیل ملتلی کندی ربه اسارتنه آلمق ایسته دیکنی ، حالبوکه روسیه نیک بو فکری طاشیایه هیچ اهل اولمادیغنی ، زیرا قوجه سیریا قطعه سنده کیلو مترو باشنه آنجق بر کیشی اصابت ایتدیکنی ، قرق کیلو متروده آنجق بر کویه تصادف اولدیغنی ، حالبوکه یالکیز سیریا قطعه سنک تکمیل روسیه یی دویورده جق درجه ده منبت و محصولدار اولدیغنی ، روسیه کندی ادارده داخنده بولان اراضینک اعماری ایچون هیچ صرف مساعی ایتیبده کوزینی دائماً خارجه دیکدیکنی متعدد مثاللر و دلیللرله اثبات ایتدیکم زمان قارشومده کی لیه ژلی همان دعوامی تصدیق ایتدی و حیرت ایچنده قالدی . حقیقه بویله در . روسیه نیک پترسبورغ ، مسقوا ، وارشوا ، اودسا ، کپی باشلوجه بش اون شهری استقنا ایدیه جک اولورسه کسوری بزم عثمانلی بلده لرندن ده معمور دکلدر . ازجه نیم مسقط رأسم اولان پتراولده سورکلی بر یغموری متعاقب سوقاقلر کچلمه سی ممتنع بر چامور دکزی حالی آلیور . باشلوجه سوقاقلردن برینک طاش ایله تفریضنه بوندن سکیز سنه مقدم قرار ویرلیدی حالده هنوز موقع تطبیقه وضع اولنه مادی . حالبوکه بونک ایچون اهالیدن مهم بر مبلغ بیله طویلاشمیشیدی . بویاره لرک کافه سی بلدییه رئیسک قرارا یوننه صرف اولندیغندن بالطبع تعمیره یاره قالمیور . پتراول ایسه یوز بیک نفوسلی بر شهردر . همده سیریا خط کیری اوزرنده کائن اک مهم تجارت مرکز لرندن بریدر . بونی بر مثال اوله رق سویلیورم . امین اولوکیزکه بشقه یرلرده بوندن ایی دکلدر . حالبوکه آلمانیا و آوستریا ده یوز بیک دکل ، بیک نفوسلی اوافق کویلر بیله ، روسیه نیک اک بیوک شهرلرندن ده معمور ، اهالیسی ده راحت ، ده مسعوددر .

۲ — روسیه ده مافوق ایله مادون آره سنده هیچ بر رابطه ، بر صمیمیت قلبیه یوقدر . ایستر اهالی ، ایستر عساکر ، اون باشیدن طوتکیز چاره وارنجیه قدر ، کوچک بویوک دائماً نظر خشیتله باقار ، مافوقی هر زمان کندیسنی یوتغه مهیا بر جانوار تلقی ایدر ، اوکا قارشى ذره قدر قلبنده بر محبت ، بر احترام حس ایتز . بوکا مقابل مافوقده مادوتی بر حیوان تلقی ایدر ، اوکا قارشى نه بر شفقت و مرحمتده بولنور ، نه ده الندن کان جور وظلمی دریغ ایدر . حاصلی کوچکدن

اولدینی حالد روسک جبر و تضییق! آلتند اوئلرده روسلرله برابر سوقاق سوقاق طولاشدیریلور ، باغیروب چاغیرلتیورلر . هیچ جناب عادل آبریا ظالملره یاردیم ایدرمی ؟

۴ — آلمانلار بولونان روس تبعهسی عسکراوزرینه سلاح چکمک ، خفیه لک ایتمک کی نامشروع بر حرکتده بولمادقجه کندی مملکتلرنده کیدن بیک قات دها زیاده حریت مالک اولدقلری حالد روسیه حکومت ظالمانهسی جنرال هیندنبرغه ویردیکی یوز بیکلرجه اسیرلرک آجیسنی چیقارتمق ایچون روسیه ده ساکن و کندی ایش کوجلری ایله مشغول بولان آلمانلری اسیر حرب عدایدیور ، — همده فصل اسیر حرب — محاربه میداندن کتوردیکمز اسیرلر دیه یاقالایور و شهرشهر کزدیروب تشهر ایدیورلر . روسیه ده متوطن آلمانلرک عددی ایکی میلیون متجاوز اولدیغندن بومعامله دنطولای روس غزته لرینکده یازدقلری کی بالطبع روسیه ده کی آلمان اسیرلرینک مقداری آلمانلارده کی روس اسیرلرینک عددندن دها فضله اوله جقدر ، شو قدر وارکه روسیه ده ، بالخاصه سیبریاده اون وباغ فابریقه لرینک اکثرینی آلمانلرک آلتند اولدیغندن نتیجه اعتباریله بومعامله دن متضرر اوله جق بنه روسیه اهالیسی وروس کویلیسی در .

• — روسیه حکومتی هر سنه استقراض ایله قیاتدینی بودجه سندن مهم بر قسمی دیگر مملکت اهالیسی ، مثلاً رومانی ، صربیا ، بلغاریا ، یونانستان ، چین ، حتی عثمانی اهالیسی اغفال و اضلال ایچون صرف ایدیورده بوکون محاربه نك اك مدھش بر زماننده جیخانه تدارکی وعسکرینک اعاشه سی ایچون ایجاب ایدن پاره بی بوله میور ، بوله ماینجده ینه اهالی بی ، باخصوص زوالی اسلاملری صوبیور . آلمانیا بانقه لرند ایسه احتیاط آلتونی بک چوق اولدیغندن محاربه درت آی دکل ، درت سنه دوام ایته بیله ، تکمیل اردوسی صورت مکمله ده اهالی بی صوماندن اعاشه واسکان ایده بیله جک بر حالد بولنیور . زیرا آلمانیا ، روسیه کی هر سنه ممالک اجنبیه اهالیسی اضلال ایچون یوزلرجه میلیون پاره صرف ایتیور .

حاصلی هر هانکی جهت مقایسه ایدیلسه آلمانلارک مادی ومعنوی تفوقی نظره چاریار . دیمک اولیورکه روسیه نك سبیت ویردیکی شو محاربه ده حق وعدالت آلمانلر طرفده ، ظلم وانحراف روسلر جاننده بولنیور . جناب حق ده حقک یاردیمچیسیدر . ایش اهلنک آلتند اولمق شرطیله « الحق یعلو ولا یعلی علیه » قاعده سی دائماً طوغویدر . ثانیاً ، آلمانلارده کی تکمیل افراد کمال خواهشله سودیکی وطننک مدافعه سی ایچون اک زیاده احترام ایتدکری ایمپراطورلرینک تحت قومانداسنده یکوجود اوله رق حرکت ایدیورلر . روسیه ده ایسه اهالی متادیا جبر وظلم آلتند ایکنه دیکلرندطولای نه وطنی سوهن ، نه دنیقولایه احترام ایدن کیمسه واردر . بناء علیه اوراده محاربه یه

بویوکه خشیت و نفرت ، بویوکن کوجکده ظلم و شدت . بناء علیه روسیه ده عسکرلک دیمک مزاره کیرمک دیمکدر . وقت حریده دکل ؛ زمان صلحده بیله هرکس آغلایه آغلایه عسکره کیدر . حرب باشلانجه آرتیق هر مسکنی ، بوتون مملکتی ماتم قابیلار .

آلمانلار کانه بومسئله اوراده بوتون بوتون باشقه در . یتیم ملیونه قریب قوجه بر کتله بشر تمامیه متحد ، یکوجود بر عائله در . افراد عائله آره سنده محبتدن ، شفقتدن ، صمیمیتدن باشقه هیچ بر شی حکمران اولماز . کوجک بویوکن هر امرینه اطاعت ایدر ؛ فقط خوف وهراسندن دکل ، محبت واحترامندن . بویوکن کوجکی وطنک هر خدمته سسوق ایدر ؛ فقط علف وشدت ایله دکل ، رحم وشفقت ایله . ایمپراطور مملکت کوز بیکدر ؛ ملت ایمپراطورک اوز اولادی در . ایمپراطورک بر سوزی بوتون آلمانلار یزندن اویناتیر . مملکت کوجک بر فردینک المی ایمپراطورک قلبی صیقلاتیر . سوکرا وطن تهلکه ده قانجه ایمپراطور اوکه دوشر ، بوتون آلمانیا فدای جانه مهیا اولور . روسیه ده ایسه بویله میدر ؟ خالقک بر حیوان سوروسندن فرقی وارمی در ؟ براز عقلی باشنده اولان بر روس ، مثلاً بر دارالفنونلی ، چارک وجودی ازاله ایچون بیک درلو تدیرلر قورار . یالکمز مکتبیلر دکل ، هرکس چاری اللهک بلاسی دیه یاد ایدر . فقط براز اوتده بلا استشنا بوتون آلمان مملکتک ایمپراطورلرینه قارشى درجه حرمت ومحبتلری شایان حیرتدر . برکون غزته لر ایمپراطورک بر توصیه سی یازدیور : « عون حقه اعتماداً بویوکن بر حربیه باشلادق . تمامیه غالب کله دن قلیجی قینه قویمايه جغز . احتمالکه محاربه اوزون سورر . بناء علیه شمیدن اقتصاده رعایت ایدرسه کز فنا اولماز . » ده افرداسی بوتون اولرده ، بوتون پانیسونلرده درت قاب بک ایکی یه ایندیریلدی . تکمیل آلمانلارده کی عائله لر بونی بر بابا نصیحتی کی حسن تلقی ایتدیور و همان تطبیق ایلدیور .

۳ — بری طرفده آلمانلر عدالتک حامیسی . حقک مدافعی اولدقلرندن جناب حقه امنیت واعتماد ایدرک ، ایمان کامل ایله ، سکون تام ایله ظفرلرندن امین اوله رق ، ایلر اولدکری حالد اوتده طرفده روسلر حقسزلقلرینه و بناء علیه عدم موفقیتلرینه کندیلری ده امین اولدقلرندن یالان یا کلتش حوادث ایله بتون عالمی ولوله یه ویرمک ، اهالی محلیه بی اغفال ایتمک صورتیله تأمین موفقیت ایتمک ایستیورلر . دها غریبی وار : روسیه دن کلن مکتوبلردن ومعتمد بولیلردن ثان خبرلره کوره کلیسالرده نه قدر جسم تصاویر ، نه قدر اصنام وارسه هپسنی سوقاقلرده کزدیروب اکا بر مأمورینده برابر اولدینی حالد باغیره رق چاغیره رق الله بابالرینک روسیه بی مظفرو غالب ، آلمانلار قهر ایلمی تمیسیله عقل وخیاله صیغمايه جق مسخره لقلراجرا ایدیورلر . بو حرکتلرینه جبراً وقهرأ اوراده کی اهالی اسلامیه بی ده تشریک ایدیورلر . اونلرک کافه سی — هیچ شبهه من — قلباً آلمانلار طرفدار

### ارضروم :

قفقاسیه دهکی اردو نژاد جبهه سنده قطعات «الا کوز» ، «آرخ» کویلی  
[ کوپری کویک ۳۰ کیلو مترو قدرشرفنده در ] جوارنده کی موضعه قارشی بر  
کیجه تعرضی اجرا ایتشدر . دشمن باصقینه اوغرامش ویر چوق تلف واسیر  
براهرق موضعی تخلیه ایتشدر ( ۹۰ کانون اول ) .

### سوریه :

بر انکلیز قرووا زوری یافه ، غزه آره سنده کی ساحل قره غولر مزدن برنی  
قیصه و نیجه سز بر صورتده بومباردمان ایتشدر . اسقوات نام روس قرووا زوری  
بیروت لمانده ایکی اوفی واپوری باطیرمشدر ( ۲ کانون اول ) .

### اٹنه :

بر دشمن حرب کیبی ۷ کانون اولده اسکندرون شمال ساحلی بومباردمان  
ایتشده خساری موجب اولامشدر . یالکز بواناده ۳ دوه تلف اولمشدر .

### مصر :

بر قاج کوندن بری عقبه اوکلرند کورولن انکلیز قرووا زوری محل مذکوره  
۷ کانون اولده عسکر اخراج ایتشدر . بو ائشاده سرعته عقبه یاقلاشمده  
اولان قطعات قره یه جیقان دشمنه مان تعرضله بونلری کیلرینه التجایه مجبور  
ایتش و قرووا زورک پروژہ کتوری تخریب ایدیشدر . انکلیزک مصری اشتال  
ایچون جلب ایتدکری هندستان قطعاتی میانده بر چوق فرار واقع اولمده در .  
بو افراد تفنگ و تجهیزاتلری ایله برابر بزم طرفه کچمده در .

### بلوچستان :

هیئت تحریریه مزدن س . م توفیق بکک تحت اداره سنده فارسی لسانیه  
انتشار ایدن خاور رفیقیزک کرمان خابری طرفندن کوندربان واصلی بوکون انتشار  
ایده جک خاورده مندرج بولونان فارسیجه مکتوبک ترجمه سی در :

خاور غزنه سی بو طرفله کلرکلر خلقه حقایق احوالی کرکی کی ا کلامه موفق  
اولمشدر . بلوچ قبائلی عقد اتفاق ایدوب کابل ، طهرانه ایکی هیئت کوندربان  
اولدقلری ایشیدیلور . بلوچستان حدودنده واقع ( نصرآباد ) ولایتی موقه  
الده اتمک ایچون ایران حکومتته مراجعت ایدن انکلیز جواب رد آلمش و مذکور  
ولایت ایران حکومتی طرفندن سابق ملت مجلسی اعضاسندن برذات تعیین  
اولمشدر . بلوچستان قبائلی کاملاً مسلح بر حالد اولوب ، ایران و افغانستان  
رجال حکومتیه ا کلاشقی اوزره کوندردکاری هیئتلردن جواب بکله یورلر . کراچی  
حدودنده کی بلوچ قبائلیله انکلیزلر آره سنده وقوع بولان بر مصادمه نتیجه سنده  
انکلیزلردن یوز اون بش کیشی اتلاف و یوز قدری ده اسیر ایتدکاری کی  
( کلات ) ده کی بلوچلرده اوراده انکلیز مأمورلری طاعه قالدیرمشدر . هند  
حکومتی طاعه قالدیرلنلرک صالیورلری ایچون ۶۰ انکلیز لیراسی بر فدیة نجات  
تکلیف ایتشدر . بلوچلرله انکلیزلر آراسنده حکمفرما اولان عداوتک اسبابی  
اورالده آمدشده اتمکک باشلایان آلمان سیاستلرینه بلوچلرک روی قبول کوسترلرندن  
منبعث در . بلوچ قبائلی رؤسایه المانلر بر طاقم هدایا و یرمش اولدقلری کی .  
اخیراً هندستان والی عمومیسی طرفندن بلوچستانه بر هیئت مخصوصه واسطه سیله  
رؤسایه متعدد اقبلرله مرصع قلیج ، خنجر و باره لر کوندریله رله ، انکلیز به فارشو  
صداقت یعنی تکلیف ایدشدر . رؤسا ، هدایانک هند مسلمانلرینک باره لرله  
تدارک ایدلرکی بیله کارندن آنلری قبول ایتشدر ایسه ده صداقت یعنی ، قرآنه  
ویغه بره خیانت دیمک اوله جنفی بیله کارندن مذکور تکلیفی شدله رد ایتشدر .  
شوقینلرده بلوچ قبائلیله انکلیزلر آره سنده دهشتلی مخاصماتک باشلامسده  
هرکس انتظار اتمکده در . ده طوغریسی ایوم بلوچستان قبائلی افغان امیرینک  
هندستانه وقوع بوله حق هجومیه ، هندلیرک اختلالی بکلمکده در .

مخبره علنیه : باش محرر من محمد عاکف بک افندی تی تلفراف و مکتوبلرله  
صوران ذواته . موی الیه استانبولده دکلدز .

کیدن افرادک کوکلنده وطن عشقی اولدینی کی حکمدار محبتی ده  
یوقدر . میلیونلرجه روس نفرلرینک حیوان سورسی کی اسیر  
اولمزلنده اک مهم عامل جنرال هیندنبورغک مهارت عسکریه سی  
ایسه ده بو حالکده تأثیر کلیمی واردر . زیرا اوراده وطن ایچور اولمک  
ایستین یوق ، یاخود بک آزدر .

ثالثاً ، آلمانیا ملتی ، حکمداری ده داخل اولدینی حالده ، جناب  
حقک عنایتنه اعتماد ایله برابر ظنر و غلبه لرینی تأمین ایچون اک زیاده  
قیلجلی ایله طوب و تفنگلرینی حسن استعمال ایدیورلر . روسیه ده  
ایسه طوب و تفنگ ایله قزانه مدقلری غلبه یی بوتلری سسوقاقلرده  
طولاشدیرمق ؛ « یاشاسون روسیه ، قهر اولسون المانیا » دیه باغیرمقله  
قزاق ایستورلر . روس — ژاپون محاربه سنده ده مهمات حربیه  
کوندردجکلی یرده ایلک واغون ایله بونلری کوندردمشلردی .  
مع الممنونیه کوردک او بوتلر ژاپونیا به قارشو بیله غلبه یی تأمین ایدمده یلر .  
خلاصه بر طرفده عدل و حقانیت ، وفاق تام ، حب وطن ،  
حکمداره قارشو احترام ، ایمان کامل ؛ دیگر طرفده ده جبر و ظلم ،  
اختلاف و مباینت ، وطنه قارشو — سرخوشلق و فقیرلکدن بشقه  
هیچ برخیرینی کورمه دکارند اولولای — لاقیدلک ، ظنالم و خونخوار  
چاره قارشو خوف و خشیت ، ظاهری برانقیاد ؛ حقه ایمان کامل یرینه  
بوتلر آرقه سنده اهالی سوروسنک سوقاق یاغیرملری ! حال بویه ایکن  
روسیه حکومتی ایسترسه یکریمی میلیون عسکر چیقارسون ، هانکی طرفک  
غالب کله جکی بوتون ارباب اذعان عنندنه کندی کندیسه تظاهر ایدر .  
بویکی لوحه بز مسلمانلر ایچون نه بویوک حخته عبرتدر !

### عالم جان ادیسی

## شیون

### جهاد اسلام

#### باطوم :

روس قطعاتی طوپی و ماکنه لی تفنگ هایه سی آلتنده چوروخ نهرینک صول  
ساحلندن ایلروله مک تشب ایتشدر . بش ساعتک محاربه دن صوکرادشمن  
پوسکور تولمشدر ( ۱ کانون اول ) .

#### وان ، اذربایجان :

وان ولایتی شرق حدودنده کوندردن بری دوام اتمکده اولان محاربه لر  
لهزمه نتیجه نمشدر . سرای جوارنده روسلرک منندانه مدافعه ایتدکاری موقع  
قطعاتک احاطوی بر تعرضله سقوط ایتشدر . دشمن ( قوطور ) طوغرو  
چکیلش و سواریمز طرفندن تعقیب اولمشدر . قطعاتک سرایه کیرمشدر ( ۳  
کانون اول ) . بلا فاصله دشمنی تعقیب اتمکده در ، سواریمز قوطورک  
۱۵ کیلو مترو غریبنده دشمنه تصادفله پیاده لریمزک مواصلتی بکله مده دن دشمنی  
رازی و قوطور استقامتته طرد ایتشدر ( ۴ کانون اول ) . قوطوره طوغری  
مظفرانه ایلروله یق قطععاتک ( قوطور ) اوکلنده موقع مذکوره حاکم بر قاج  
تبیی اشغال ایتشدر ( ۶ کانون اول ) .